



Protokoll frå årsmøte 4. februar 2018

Møtet blei leia av Sigrid. Vi starta med pizza og kake og kaffi. Det møtte 18 vaksne og 4 born/ungdommar.

1. Opning

Sigrun heldt opning der ho ma. leste opp brevet som Johan Hammerich gav oss etter eit sundagstreff i november 2017 (bodskap fått i bøn 4. oktober 2017).

2. Val av referent og protokollunderskrivarar

Oddvar blei valt til referent. Ane og Olav blei valt som protokollunderskrivarar.

3. Årsmelding

Årsmeldinga blei lest av Oddvar og godteken med merknad om at det var dekkande for arbeidet vårt.

4. Revidert rekneskap

Rekneskapen blei gjennomgått av Magnus. Det er rundt 300 transaksjonar i året. Dei fleste inntektene kjem frå kollekt/gåver og kommunalt tilskot. Den faste givartenesta er stor og jamn. På utgiftssida er det ingen overraskinger og berre normale ting. Det er eit godt driftsresultat med solid overskot. Resultatrekneskapen blir lagt ut på nettsidene som vedlegg til denne årsmeldinga.

Det er ein god likviditet slik at vi har eit godt handlingsrom.

VIPPS er no på plass: Nummeret er 506899. Ein kan også søke på Kviteseid Misjonskyrkje (blir lagt inn som info i EasyWorship).

5. Val til styret og valkomité. Orientering om andre funksjonar i kyrkja

Valkomitéen ved Ane og Anlaug orienterte om arbeidet i komitéen.

Sigrun og Oddvar er ikkje på val og held fram eitt år til. Tone er 2. vara som ikkje står på val. Sigrid, Mari og Øystein stod på val saman med Anders (vara). Sigrid og Øystein tar attval for 2 år. Mari sa ja til å vere 1. vara for to år. Ane sa ja til å bli styremedlem for 2 år. Årsmøtet hadde ingen benkeforslag og takka valkomitéen for flott arbeid. Kassereren er valt for 2 år og sit eitt år til.

Gunhild er revisor for eitt år til.

Årsmøtet valte denne valkomitéen: Åsbjørg og Anders

Ove har sagt ja til å halde fram med vaktmeistertenester noko både styre og årsmøte er svært takksame for.

6. Kollekten på sundagstreffa

Kollekten på sundagstreffa har gått til Jakobs Hus i 2017. Årsmøtet synest det er eit godt føremål og vil halde fram med det og ønskjer enno meir fokus på det i møta våre i form av å bruke info frå breva vi får samt å vise biletet på storskjerm. Ein ide er at ein person i kyrkja kan knytte seg litt ekstra opp mot prosjektet. Styret vil sjå på dette.

7. Tilsetting av trusopplærar

Sigrun orienterte litt om kva styret har drøfta i forhold til å tilsette trusopplærar som kan ha ansvar for TenTro 17/18 og koordinering av sundagstreffa. Bakgrunnen er ma. at tre ungdommar tilknytta kyrkja ønskjer TenTro-opplegg og at vi har ein god økonomi. Styret tenker dette som eit årsengasjement i 20% som blir evaluert neste år. Alternativet til konfirmantarbeidet er at ein leiger inn nokon frå Fredheim til å drive det.

Merknad: Samarbeid med kyrkja? Kan engasjementstillinga også ha litt med Fredagsklubben å gjere i tillegg til Sundagstreffa? Engasjementstillinga er ikkje tenkt som pastorfunksjon, men som trusopplærar/barne- og ungdomsarbeidar. Det må bli utarbeidd stillingsinstruks.

Avstemning over forslaget om styret skal få fullmakt til å arbeide vidare med ein 20% årsengasjementstilling.

Resultat: Einstemming ja (18).

8. Samtale om arbeidet og møteverksemda m.m.

Årsmøtet samtalte om arbeidet. Det er eit sakn med heilt «vanlege» møte. Sundagstreffa er spesielle møte som ikkje nødvendigvis treff alle sjølv om det framleis er gode møte for mange. Styret må arbeide vidare med ulike møtetypar. Vi er kanskje i ei brytingstid der vi ikkje lenger har dei aller minste borna. Kva manglar i bygda vår? Kva med offensivt arbeid i Morgedal? Det er mange moglegheitar. Det er ikkje sikkert småbornsfamiliane skal vere hovudfokuset vårt i tida framover.. Ønske om bibeltimar med krefter frå eigne rekker. Kanskje song og musikk også er noko som kan utviklast? Vi kan ma. bruke lovsongsbandet meir.

Sundagstreffa er framleis gode møte for mange.

Kva med opplegg som heiter laurdagstreff ein gong i månaden og som skal nå ungdommar som er ferdige med sundagstreffa?

Styret kjem til å gjere ei undersøking i forhold til å sende ut ei liste for å loddje interessa for å starte smågrupper igjen.

Sigrid orienterte også om fellesmøta som er 9-11. mars. Talar blir Geir Johannessen. Dei blir kl. 19 på fredag og 17 på laurdag og sundag. Møta blir på Fredheim. Vi treng ein person på sundagen til å vere saman med ungane. Anlaug svara ja til dette.

Anlaug presentere arbeidet i diakonirådet som består av Anlaug, Gunhild og Sigrid. Dei har funne ut at dei vil byrje med strikkekveldar. Det kjem info i VTB om dette.

Det blei bestemt at Passpåkontoen blir avslutta og pengane overført til kyrkja (ca. 4000).

9. Eventuelt

Det var to eventueltsaker

Det er ønske om at annonseringa i VTB blir meir tydeleg. Oddvar tar kontakt med VTB og Misjonskirken sentralt og har ein dialog med dei.

Facebook: Familien Grutle har sagt ja til å overta driften av Facebooksida vår.

Ref. O. Hægeland

Vedlegg: Resultatrekneskap for 2017